

四庫全書

經部

欽定四庫全書

子部

醫彙元戎卷九

詳校官八肅院醫官臣姜晟

編修臣倉聖脈覆勘

總校官編修臣王燕緒

校對官編修臣汪壩

謄錄監生臣李昂

欽定四庫全書

醫壘元戎卷九

元 王好古 撰

少陰證 先足經從湯液 後手經從雜例

仲景真武湯

主治脩製
並見本方

茯苓 芍藥 生薑 白朮 附子

茯苓四逆湯

並見本經
脩製治療

茯苓 乾薑 人參 甘草 附子

四逆湯

甘草

一兩

乾薑

七錢半

附子

半兩

四逆加人參湯

四逆加猪膽汁湯

二藥主療並見本經

四逆散

柴胡

枳實

芍藥

甘草

欬加五味子

悸加桂

腹痛加附子

泄瀉下重者煎薤白內藥小便不利加茯苓海藏云
此散因說少陰四逆從舉或欬或悸故用此散若果

四逆手足厥冷下利腹痛更不復用此散也

薑附湯

無汁者用此主
療並見本方

乾薑

炮

附子

炮

木附湯

白汁者用此主
療並見本方

白朮

附子

白通湯

主療加減
並見本方

附子

乾薑

葱白

易簡真武湯

治傷寒數日以後發熱腹痛頭目昏沈四肢沈重疼痛大便自利小便或利或澁或嘔者皆宜服之若已經汗下不解仍發熱者心下悸頭眩暈身瞤動振振欲擗地者此由渴後飲水停留中脘所致並宜服之

茯苓

芍藥

熟附

各三分

白朮

二分

右咬咀每服四錢薑五片水一盞半煎至八分去渣溫服小便利者去茯苓大便利者去芍藥加乾薑二分嘔者每服加生薑五片同煎欬者加五味子二分

細辛乾薑各一分發熱而瀉者服此未遑當投四逆湯仍服震靈丹用之應手而愈此藥不惟陰證傷寒可服若虛勞之人發熱自利時復增寒皆宜服因取名固真湯增損亦如前法

易簡四逆湯

治陰證傷寒自利不渴嘔噦不止或吐利俱作小便或澁或利脉微絕腹脹滿手足厥冷或悸或欬內寒外熱下利清穀四肢沈重或汗出厥逆者或汗出熱

不去並宜服之及治一切虛寒冷厥或傷寒病有表
醫誤下之續後下利不止雖覺頭疼體痛發熱惡寒
四肢拘攣表證悉具未可攻表宜服此藥以助陽救
陰次服桂枝以解表證

甘草

一兩

乾薑

三分

熟附

三分

右咬咀每服四錢水一盞半煎至八分去滓溫服利
止虛者加人參半兩嘔者加生薑一兩面赤者每服
加葱白一根腹痛者加芍藥一兩利止脉不出者加

人參一兩霍亂吐瀉之後尤宜服之陰證傷寒或無
汗唇青面黑身皆強痛四肢厥冷昏不知人如欲服
四逆湯先與附子散用附子三分官桂當歸白朮各
半兩半夏乾薑各一分葱煎服被覆取汗或氣虛陽
脫體冷無脉氣息欲絕不省人事者當灸丹田氣海
仍以葱一根以索纏如餅大切去根葉存白二寸以
烈火熨一面令通熱勿令灼人乃以熱處着病人臍
下上以熨斗盛火熨之溫則另以他餅其人蘇醒手

足溫而有汗乃差仍服四逆薑附之類

易簡薑附湯

治中寒口噤四肢強直失音不語或卒然暈倒口吐涎沫狀如暗風手足厥冷或復煩燥兼治陰證傷寒大便自利而熱者

乾薑

熟附

各二兩

右咬咀每服四錢水一盞半煎七分去渣服或慮此藥大燥即以附子理中湯相繼服餌薑附本治傷寒

經下之後又復發汗內外俱虛身無大熱晝則煩燥
夜則安靜不嘔不渴六脉沈伏並宜脉此不知脉者
更宜審之兼治中脘虛寒久積疼水心腹冷痛霍亂
轉筋四肢厥逆一方附子易以生者名白通湯治傷
寒下利一方用白通湯加白朮倍之甘草減半名生
附白朮湯治中風濕昏悶恍惚腹滿身重手足縱緩
自汗失音不語便利不禁一方用薑附湯加麻黃白
朮甘草人參等名附子麻黃湯治中寒溫昏暈緩弱

項背強急口眼喎斜語聲渾濁心腹脹氣上喘促
不能動轉更宜審而用之

易簡附子湯

治風寒濕合痺骨節疼痛皮膚不仁肌肉重著四肢

緩縱腰腳痠疼

仲景附子湯方內亦有此方在厥陰門

生附

一兩

芍藥

官桂

甘草

茯苓

人參

各半兩

白朮

三分

右咬咀每服四錢水二盞薑五片煎至六分去渣食

前服惡甜者減甘草一半兼治疲極筋力氣虛倦怠
四肢痠疼一方治歷節風四肢疼痛如搥鍊不可忍
者加乾薑半兩去生附加熟附等分名附子八物湯
煎如前法若尋常寒濕相搏頭疼兩腳軟痛及氣虛
頭眩止用白朮附子各一兩甘草半兩棗薑同煎服
名增損朮附湯久履濕地腰重腳軟尤宜服之若為
濕氣所中則白朮倍附子之數仍用白朮半兩酒一
盞煎至六分連進數服取微汗即愈不能飲者以水

煎若胃兩濕著于肢體肌膚或腠理開汗出澡浴得病於增損朮附湯中加茯苓官桂如甘草之數名茯苓白朮湯

白通加豬膽汁湯

附子 乾薑 葱白 人溺

豬膽汁

通豚四逆湯

減溺 以上通治裏藥

麻黃附子細辛湯

麻黃附子甘草湯

以上通治和表藥

仲景附子湯

附子 人參

白朮

茯苓

芍藥

甘草附子湯

四物附子湯內減生薑是也

四物附子湯

附子 官桂

白朮

甘草

乾薑

易簡附子湯

見前薑附湯後與下方注小異

附子湯 四君子湯加桂附芍藥

外臺云論療傷寒八九日因風濕相搏身體煩疼不能轉側不渴不嘔下之泳浮虛而瀉者加桂枝附子湯若大便秘小便自利者附子白朮湯

桂枝附子湯

桂心

四兩

附子

三枚炮去皮臍

生薑

三兩

炙草

二兩

乾棗

十二枚破

右五味切以水六升煮取二升去渣分溫一服忌生

葱猪肉海藻薤菜

附子白朮湯

白朮

四兩
棗十二
枚

炙草

二兩
生薑

三兩附子

三枝
炮
作四片

右五味切以水六升煮取二升去渣分溫三服初一

服其人身如痺半日許復服之都盡其人如冒狀自

怪此以朮附性走皮中遂氣未除故使人如冒狀者

本云附子一枚加之二枚名附子湯忌見前千金翼

同張仲景治法當加桂枝四兩此本一方二法以大

便鞭小便自利故去桂也以大便不鞭小便不利當

加桂枝附子三枚恐多也虛弱家及產婦宜減服之

一句即知男子婦人同一治也男子服四物以滋血
亦與婦人同

少陰證

王朝奉論悸

並方

悸者動也病源內有虛熱則渴而飲水水氣乘心振寒
而心悸也傷寒二三日中悸而煩小建中湯 發汗
臍下悸欲作奔豚 發汗過多心下悸飲得按者桂
枝甘草湯 發汗止仍發熱心下悸身瞤動真武湯

傷寒脉結代心悸動灸甘草湯 少陽不可發汗

發汗則譫語此屬胃胃不和順而悸小柴胡湯 傷
寒厥而心下悸宜先治水茯苓甘草湯却治其厥不
爾上漬入胃必作利矣 中風往來寒熱或心下悸
小柴胡湯 錢昏腎病見夏水勝火腎勝心也當治
腎輕者病還重者當悸動者小搖也 易老云腎水
乘心者悸仲景不治木火調其水也

王朝奉論陰陽證

夫病發熱而惡寒者發於陽也不發熱而惡寒者發於陰也發於陽者可攻其外發於陰者可溫其內發表以桂枝溫裏以四逆湯 張仲景論少陽通脉四逆證面色赤又少陰下利脉沈遲而色小赤此二證似陽然皆下利清穀為異也凡少陰證無汗類麻黃湯麻黃湯證脉陰陽俱緊少陰脉微細為異也又汗出為陽微故仲景云陰不得有汗脉陰陽俱緊而反汗出為亡陽屬少陰也仲景論傷寒脉浮自汗出小便

數腳拳急反與桂枝攻表誤也常器之云便合用桂枝加附子湯治之若誤服桂枝湯即便有發厥吐逆譫語等證治其本論太陽上篇中孫兆云陽證即頭痛身熱脉洪數也陰證則微頭痛而身不熱脉沈細遲緩 凡陰病宜與四逆理中輩皆自愈若夏月得陰證亦膚四逆大熱宜與理中最佳也 又云大抵發熱惡寒者是表證屬太陽也只惡寒是陰證也然陰證即有發熱者蓋是表熱裏寒其脉必沈遲或手足微厥或

下利清穀更以別證驗之可知也 又云本是陰病

醫與熱藥過多卻見熱證者亦斟酌以涼藥解之

又云陰證形靜無發狂者惟餌溫藥過多胞中熱實

或大便秘有發狂者亦宜用承氣湯輩下之不可輕

用 本是陽病熱證醫誤吐下過多遂或陰證者卻

與理中四逆輩溫之病源云傷寒病過經而不愈脉

反沈遲手足厥逆者此為下部脉不至陰陽隔絕邪

客於足少陰之經毒氣上熏故咽喉不利或痛而生

瘡

仲景甘桔湯例

仁宗御名如聖湯治少陰咽痛

炙甘草

一兩

桔梗

三兩

右竈末水煎加生薑煎亦可 一法加訶子皮二錢

煎去渣飲清名訶子散治失音無聲如欬達上氣者
加陳皮如涎嗽者加知母貝母如酒毒者加葛根如
少氣者加人參麥門冬如唾膿血者加紫苑如疫毒

腫者加黍粘子大黃如欸渴者加五味子如嘔者加
生薑半夏如目赤者加梔子大黃如胞滿膈不利者
加枳殼如不得眠者加梔子如心胞痞者加枳實如
膚痛者加黃芪如面目腫者加茯苓如咽痛者加黍
粘子竹茹如肺痿者加阿膠能續氣如發斑者加防
風荆芥如聲不出者加半夏

肺痿門

經云帝曰勞之之病何如岐伯曰勞風發在肺下其為

病也使人強上冥視唾出若涕惡風而振寒此為勞
風之病帝曰治之奈何岐伯曰以救俛仰巨陽引精
者三月中年者五日不精者七日欬出清黃涕其狀
如膿如彈子大從口中出者從鼻中出者則傷肺傷
肺則死也

肺痿之門在太陽門

仲景麻黃升
麻湯條下

孫思邈單方一門並見金匱祖方

甘草

二兩

右咬咀以水三升煮取一升半分作三服

此證初得可治久則難愈脉微緊則膿未成脉緊數則膿已成喘而不得卧葶藶大棗瀉肺湯主之

葶藶

一兩炒
紫色

右杵件成丸以水三升煮大棗二十箇取二升去渣
內麻黃五味子各半兩取清飲頓服令三日服一劑
差叔和云衄血吐血沈細宜忽然浮大即傾危唾血
之脉沈弱吉忽然實大死來侵脉要云肺脈博而長

當病吐血注云肺虛極則終逆逆血瀉故唾血出也

無汗惡寒脈浮緊

傷寒得者麻黃

肺痿上枯水之源下竭水之本

傷酒得者葛根

有汗惡熱脈沈實

甘桔二生湯

治欬胞中滿振寒脉數咽乾不渴時濁唾腥臭久久

吐膿如來粥肺痿作癰也膿在胞中者為肺癰

甘草 桔梗

分等用

右剉以水三升煮取一升去滓分二服必然吐出膿血矣 又一方治一切欬唾膿血及欬及出不止好酥三十斤三徧煉停取凝成膏醍醐服 合日三服差

海藏紫苑散

善治欬唾中有膿血虛勞證肺痿變癰

人參 紫苑 知母 桔梗 貝母 甘草

右麤末生薑水煎一法加五味子一法加茯苓一法

加阿膠

經云陽明司天唾出白血者其狀淺紅如肺色故曰白

血

海藏云以正對化分輕重

人參紫苑散

治唾膿血以有甘桔故入少陰例以肺腎為子母當

補肺以生腎水之源以泄命門使五液不上行也及以金花丸酒製苓藥丸青黛為衣隨經增損並見本條又以易老門冬飲加天門冬人參保定肺氣右以四君子湯倍生薑大益脾胃以固中州又以三才元加當歸以補骨髓如唾血從治者加桂枝乾薑

寸口脉虛實之圖

微為發渴者欲愈如崩可救

虛小者為肺痿熱之所過初結為膿

寸口脉二者皆欬唾膿血在胞中

實大者為肺癰血為凝滯化為五色

數為弱不渴者難治成膿難已

如聖丸

治風熱毒氣上攻咽喉痛痺腫塞妨悶及肺癰咳嗽
膿血胞滿振寒咽乾不渴時出濁沫氣臭腥臭久久
咯膿狀如來粥

龍腦

研另

牛黃

研另

桔梗

甘草

生用各
一錢

右為細末煉蜜丸每兩作二十九每服一丸嚙化

嗽藥青龍散

石膏

八兩

朴硝

甘草

生用各一錢

青黛

半兩

右為細末每服二三錢煎薄荷湯點熱漱冷吐

治肺痿唾膿涎痰唾多出血心中溫溫方

右以甘草一味重二兩以水三升煎作一升半分為

三服

百部丸

治諸嗽不得氣息唾膿血方

百部根

二兩

升麻

半兩

桂心

五味子

甘草

乾薑

各一兩

右為細末蜜丸桐子大飲服三九日三以和為度

衍義蛤蚧散

在前湯明經蚧血犀角地黃湯條下

治肺虛欬久成瘡吐膿血

犀角

羚羊角

鹿角

阿膠

蛤蚧

搜膿散

治諸瘡膿汁不絕腐盡

黃耆

白芍藥

香白芷

各等分

右為細末乾上患處上用膏藥敷貼一日一換

海藏云此方雖云上瘡吐膿血久不盡者亦宜用此藥作湯散煎調服之又宜糊為丸桐子大白湯下三五十九或乾糝細末咽津大妙

錢氏如聖散

桔梗 甘草 阿膠

妙白

煎甘桔取清內膠化

桔梗枳殼湯

陳皮一兩

桔梗一兩半

甘草七錢

枳殼半兩

薑煎服

橘皮茯苓湯

陳皮一兩

茯苓半兩

甘草七錢

右為細末生薑煎服 一法加麻黃杏仁治外感咳

嗽嘔加半夏 如噦加竹茹寒者加乾薑

桔梗湯

桔梗半兩

製

陳皮各一兩

枳實半兩

生薑煎服

黃耆鱉甲散

治虛勞客熱肌肉消瘦四肢倦怠五心煩熱口燥咽
乾煩赤心恰日晚潮熱便有盜汗胞脅不利減食多
渴欬唾稠粘時有膿血

知母

焙

桑白皮

去皮

黃耆

去枯

甘草

炙

赤芍藥

紫苑

去蘆已上六味各五分淨

秦朮

洗去蘆

白茯苓

去皮焙一木忌火令焙別有說

生地黃

柴胡

去蘆梗

地骨皮

去骨已上五味各六錢六分淨

肉桂

去皮不見火

人參

苦桔梗

已上三味各三錢三分淨

鰲甲

去裙用酥炙更佳

天門冬

湯洗去心焙一本忌火令聰已上二味各

一兩

半夏

五分

右為麤末每服二大錢水一盞煎至七分去滓溫服食後海藏云此方內闕黃耆疑黃芩是黃耆也然內有黃芩有小柴胡今治虛熱妙為有盜汗亦無妨也兼加知母地骨皮赤芍藥即錢氏地骨皮散也治

盜汗亦妙內有桂枝治發熱惡寒即柴胡加桂也天
門冬人參地黃即三才元也秦艽柴胡甘草鱉甲芍
藥即黃龍湯也紫苑桔梗甘草即紫苑散也桂芍黃
耆甘草即黃耆建中湯也又云此方治本無傷寒風
而得 仲景麻黃升麻湯治唾膿血從傷寒而得

孫真人治唾膿血用麻黃升麻之類及青龍湯之類
亦從傷寒而得也內多五味子皆祖仲景法無論傷
寒傷風皆可加五味子又云桔梗一味有辛有苦辛

以散之苦以泄之當如上下之意

御藥院正方

硃砂膏

鎮心神解熱除煩唾血等證

硃砂

另研半兩

珍珠末

生犀角

人參

玳瑁末

甘草各一兩

金箔

泥一分半用

粉二錢半

蘇合油一分

生黃另研

麝香另研

龍腦

另研

南硼砂

琥珀

羚羊角

遠志

赤茯苓

已上各半兩

安息香

酒煮去石
約半兩

右為細末入研藥極細煉蜜丸蘓合油和諸藥為錠
子更以金箔為衣每兩作五錠每服一皂角子大噉
化人參湯下亦得並阿膠元相雜服尤勝至寶丹

肺痿癰其皮如麩糠有胃脘成癰其皮緊如甲錯有腸
癰裹大膿血於腸胃之間乳叔和云寸積血在胞
中關內逢乳腸裏癰

定肺散

知母

兩半

貝母

二錢半

人參

二錢半

桔槿

烏梅肉

兩半

御米殼

兩炒二

白朮

二錢半

右為細末水煎生薑湯點亦得蜜丸彈子大噙化亦

得

定肺丸

款冬花

紫苑

知母

貝母

人參

甘草

炙

桑白皮

御米殼

麥門冬

百部

馬兜苓

五味子

烏梅肉

已上十三
味各等分

右為細末煉蜜丸彈子大噙化一丸

解毒丹

桔梗 生甘草 大黃 當歸 荊芥

殭蠶

右等分細末煉蜜丸彈子大新水化下一丸

蚧蚧散

治勞嗽

蚧蚧一對

炙甘草

麻黃

去節

南星

炮

人參

半夏

泡

知母

貝母

烏梅肉

瓜蒌

槐花子

炒各等分

右為細末生薑五片水煎服

古方紫苑散

紫苑

半兩

款冬花

半兩

百部

二錢半

右為細末烏梅湯點服生薑亦得如欬加五味子

喘加杏仁 渴加烏梅 氣逆加陳皮 頭痛加細

辛三錢甘草二錢 氣脫者加御米殼蜜炒麤末水

煎

增損防風通聖散

治鼻塞不通
肺氣不利

桔梗

桑白皮

紫苑茸

鼠粘子

各半兩

荆芥穗

三兩

甘草

一兩已上
兩生用

右為麤末防風通聖散各一半和勻每服四錢水一盞半薑五片煎至七分去渣溫服食後

咽痛例

仲景有口瘡赤爛之證上實下虛熱重咽喉又脾熱重

上焦故口生瘡宜

升麻六物湯

升麻

梔子

各二錢

大青

杏仁

黃芩

各一錢半

右為粗末每服五錢匕水一小盞半葱白三莖煎至
盞去查溫服又法黃蘗蜜漬一宿噉之嚥汁勿絕

差

咽喉備急丹

青黛

三兩

芒硝

四兩

殭蠶

一兩

甘草

四兩

右四味為細末用臘月牛膽汁兒有黃者盛藥於其中懸於背陰處四十九日數過多尤妙如用時旋取如腮喉咽閉用皂子大塊碾碎為末以竹筒子吹之咽喉內愈

人參清肺散

治咽喉腫痛並喉閉

人參

一兩

白附子

七錢

盆硝

一兩

連翹

一兩半

黃連

一兩

山梔子

一兩

大黃

一兩半

黃芩

一兩半

甘草

二兩生用

薄荷

一兩生

右為麤末水煎每服三錢水一盞半煎至七分去渣

食後溫服

代鍼散

治咽喉腫痛
氣息難通

硃砂

少許
為君

白礬

皂角子
大為臣

牙硝

七錢
為良

硝石

四兩
為相

黃丹

五方
五錢

巴豆

六甲
六箇

右為末吹喉中

發聲散

治咽喉腫痛語
聲不出經進方

括萋皮

剉

白殭蠶

去頭

甘草

已上各半
分各炒黃

右為末每服三錢溫酒調下或生薑自然汁調下更用半錢綿裹噙化津嚥亦得不拘時服三日兩服

解毒丸見前安肺丸後風熱上攻咽喉腫痛又治咽

喉腫痛欲死者喉閉急也

此方與急備丸寒熱不同宜定奪用之

白薑蠶 南星

各等分

右並生用同為細末生薑自然汁調服立愈

鵬砂散

治心氣熱毒內發咽喉生瘡腫痛木舌脹脾甚悶寒

水食不下

玄參 貫衆 茯苓 縮砂仁 滑石

荊芥穗

山豆根

甘草

生各半兩

南硼砂

三兩

薄荷

一兩

消毒散

右為細末每服半錢新汲水調下或乾糝舌上嚥津

治咽喉腫痛小兒癰疹已出不勻雖出不快壯熱狂燥咽膈窒塞臥睡不安大便秘澀

牛蒡子

炒六兩

甘草

二兩

荊芥穗

一兩

右為粗末每服二錢水一盞煎至七分去渣溫服食後

漱藥地黃散

治脾熱風熱上攻咽喉腫痛生瘡閉寒不通或生脹舌

黃芩

八兩

甘草

二兩半

荊芥

一錢

薄荷葉

一兩

右為細末每服二錢水一盞入薄荷少許同煎三五

沸去查熱嗽冷吐無時

玉壺丸

治三種癰當
在少陽條下

海藻

海帶

昆布

雷丸

各等分

右細末米飲為丸如榛子大噉化續續使藥不斷食

後神效

五痺散

治五種
喉痺

大黃

白薑蠶

炒各
等分

右細末每服五錢生薑自然汁蜜各半盞一處調服

以利為度

赴筵散

治舌上瘡
不能食

銅綠

研半兩

香白芷末

一兩

右拌和勻搽舌上溫醋漱立愈

振悸酸棗仁例

胡洽酸棗仁湯

治振悸
不得眠

酸棗仁

人參

白朮

茯苓

各二兩

甘草

五錢

右切以水半升生薑六兩同煎三升分作四服

聖惠方

治膽虛腫卧不安心多驚悸

酸棗仁

生用一兩

金錠茶

二兩生薑汁
塗炙令微焦

右為細末每服二錢水七分煎令六分無時服之

活人酸棗仁湯

治傷寒吐下後心煩之氣晝不得眠

酸棗仁

四升

麥門冬

去心一升

甘草

炙兩

川芎

三兩

知母

二兩

茯苓

三兩

乾薑

三兩

右麤末每服四錢水煎服

酸棗仁飲子

酸棗仁

二錢
半炒

人參

一錢

陳皮

去白
一錢

五味子

一錢

桂心

半錢

茯苓

一錢

生薑

右咬咀水三盞煎至一盞半去渣分作二服

海藏百合四君子湯

治老弱虛
人不得眠

心虛則熱收于內定志丸補心丹

腎虛則寒動于中八味丸腎氣丸

此二藏不足者補之

心盛則生熱瀉心湯三黃湯

腎盛則生寒薑附湯四逆湯

此三藏有餘有餘者瀉之

收于內動于中則異于所生之寒熱豈可止一熱字
便作熱斷止一寒字便作寒斷誤矣當看前後上下
文勢則可也

定志丸隨證加料

體竭不足加生地黃當歸 肺氣不足加天門冬麥

門冬五味子 心氣不足加上黨人參茯苓菖蒲

脾氣不足加白朮白芍藥益智仁 肝氣不足加天

麻川芎 腎氣不足加熟地黃遠志牡丹皮 膽氣

不足加細辛酸棗仁地榆 神昏不足加硃砂預知

子茯神

八味定志丸

補益心神安魂魄治痰去胞中邪熱理肺腎

人參 菖蒲 遠志 茯苓 硃砂 白朮

麥門冬 各等分

右煉蜜丸桐子大米飲湯下三十九丸無時每服十丸

日三服亦可

局方定志丸

治心氣不足五臟不安悲憂不樂忽多夢遺朝差暮劇狂旺不寧

遠志

菖蒲

茯苓

人參

各三兩

茯神

二兩

硃砂

另研

右細末煉蜜丸桐子大硃砂為衣米湯下五七丸日三作散服亦佳名茯神丸

保真定志丸

黃連 破故紙 藕節 蓮子肉

保神丸

調和心腎
補養精神

白茯苓 黃連 菖蒲 遠志

各二兩

一兩

硃砂

半兩 一半入藥 一半為衣

右為細末浸蒸餅為丸如桐子大硃砂為衣陰乾每服五十丸煎人參湯送下臨卧加七八十丸一法定志丸加保真黃連丸治勞

黃連

茯苓

各等分

右為細末酒糊丸桐子大茴香酒鹽湯下破故紙湯下亦得說不盡者一切製度並取前後例

又方此陰陽各半

黃連

茯苓

各五錢

破故紙

菖蒲

各半兩

右為細末酒糊丸桐子大每服五十九空心鹽酒湯任下

預知子丸

主治并法見本方於定志丸內加預知子

山藥 枸杞子 栢子仁 地骨皮 黃精

茯神例

人參 茯神湯

人參 茯神 遠志 菖蒲 甘草

麤末水煎服

千金翼聖惠同補心虛治健忘令人耳目聰明用戌日
取東引桃枝三寸枕之開心日不忘

菖蒲

右搗為細末服方寸匕食後令人耳目聰明從外見裏坐見千里之外令人長生去三百病毒不能偽

開心明目使人不忘

遠志

去心一寸

茯神分

菖蒲

三分

右合服方寸匕食後服之令人不忘大聰明

神注丹

後丁香與神注同法

日月丹當此條下

延壽丹

齋戒沐浴服之十日成神

人參 菖蒲 遠志 白朮 枸杞 茯苓

天門冬

麥門冬

生地黃

栢子仁

車前子

地骨皮

五味子

茯神

右為細末煉蜜千杵石水臼丸各從製法

補心丹

茯神

遠志

人參

菖蒲

硃砂

右為細末糊丸桐子大猪心血拌和丸亦可

保真祕一丹

白茯苓

木猪苓

各一兩

右切作塊微煨透去猪苓不用茯苓細末一兩好蠟一兩溶開和作八九平旦向東空心細嚼嚥津服吸三同嚥

張天師草還丹

此藥久服輕身隨風而去如列子之乘也若髮白者從根而黑如未白者永不白有不信者將藥拌飯與白猫食者一月黑

地骨皮

生地黄

石菖蒲

牛膝

酒浸
一宿

遠志

去心

兔絲子

酒浸三宿炒黃

右等分細末煉蜜丸桐子大每服三十丸空心溫酒

下鹽湯亦得修製忌婦人雞犬見

此上下少陰上下微陰之藥也

海藏云若加天門冬人參內有三寸丸也又為上下

太陰與增損三才丸相為表裏

日月丹

麝香

錢二

乳香

錢二

茴香

炒二錢

沒藥

炒二錢

丁香

錢二

木香

錢二

木通

錢二

代赭

酒七次

蓮子肉

錢二

蛤蚧

一對頭尾全酥炙令黃

硃砂

一半為衣三錢

青娘子

六箇去頭尾

紅娘子

六箇

右細末糯米糊丸櫻桃大單日一丸雙日兩丸空心溫酒下至十日為度後再服

仲景腎氣例

仲景八味丸

熟地黄

補腎真水

肉桂

補腎真火

附子

能行諸經而不止兼益火

牡丹皮

補神志
不足

白茯苓

能代腎
邪溫

澤瀉

去炮中益垢
及遺物

乾山藥

能治皮毛
中燥酸澁

山茱萸

治精滑
不禁

右八味皆君主之劑若不依易老加減服之終不得效若加五味子為都氣丸述類象形之藥也

聖惠云名地黃丸能代腎邪皆君藥也宜加減用

楊氏云常服去附子加五味子桃公張文仲肘後加減不同其說雖當然莫若易老之說為愈也

易老云治衄耗而虛西北二方之劑也金弱木勝水

少火虧或衄鼓按之有力服之亦效何也答曰緊者為寒火虧也為內虛水少也為木勝也金弱也故服八味丸亦得效 益火之源以消陰翳壯水之主以制陽光錢氏地黃丸減桂附

無比山藥丸 一名萬安丸

主治並見局方

從蓉丸篋中秘室方與上方同且錙銖異耳欲進食者加鹿茸欲身肥者加石膏欲體潤者加栢子仁欲能記不忘者加遠志

易老天麻丸

天麻

六兩酒浸三日
焙乾秤除風

牛膝

六兩酒浸三日
焙乾秤強筋

玄參

六兩
機管鎖

杜仲

七兩剉炒去絲
使筋骨相著

草薺

六兩另為
末壯骨筋

當歸

二十兩用
和養血脉

附子

一兩炮行
諸經中血

羌活

十兩去
骨間風

獨活

五兩去腎
間風邪

生地黄

一斤益
真血

易老云治脉強而虛東北二方之劑木弱水少火虧西
南有二濕熱一也燥熱一也視上二法則三隅可知

為觸類而長更當以逆順推之天下之能事畢矣易
老補丸春秋二分之氣

東坡四神丸

翳又云專此四味者久服可以愈大風疾

羌活 玄參 當歸 熟地黄

素問云不知持滿不時御神務快其心逆於生樂帝御
一十女而登天今人有妻而喪命以不知陰陽之要
故也人之交會陽氣秘密神不妄施生氣以強而能

久長有若空瓶小口頓漑不入為無出者氣故不得
入也又如虛管以水注湯捻竅懸之水固不泄無為
入者氣則不得出也故當志不亂意不狂真不泄是
謂得要世以戰勝氣交河逆龜飲諸法皆不及黃帝
法內即丹藥固裏外不用陰引陽陰陽合會氣過屏
翳例行上入升至九天即成太丹素問云兩者不和
若春無秋若冬無夏用而和之是謂至度大凡陽氣
發盛中外相應先得陰氣女子面赤然後陽施而不

縱為則無傷也又云勇者氣強而已怯者着而為病
焉得陰之氣能養真陽不可肆行以失其精所謂陽
勝則強也陽氣能強陽氣絕傷陰平陽秘精神乃治
苟或力強腎氣乃傷高骨乃壞何以久常帝曰以人
療人真得其真所以長人百禩為神

孫真人口訣 東垣先生論議當在此下 復有仲景
治陰股汗出一條在仲景沒石子條下續以此條在
三才元後并蠡斯等凡

天門冬例

古方天地丸

一名二儀丸

天門冬地黃

右各等分不犯鐵石器用太杵臼搗為細末煉蜜和
丸桐子大空心酒下三五十丸誤犯鯉魚以浮萍草
解之

補隨煎

天地丸內加當歸是也

三才天地內
加人參是也

增損三才丸

一名續嗣丸
一名說說丸

天門冬

酒浸
去

熟地黄

酒灑
沙鍋內蒸

人參

去
蘆

菰蓉

酒浸
焙乾

遠志

心去

五味子

鹿茸

酥炙
透

茯苓

去心酒浸
透陰乾

一法加白馬莖酥炙

一法加附子補相火不足

一法加麥門冬令人有子

一法加續斷以續筋骨

一法加沈香暖下元虛冷右木杵臼碓背可搗細

稀絹羅則可若蜜恐不下煉蜜杵下然後可丸桐

子大每服五十九空心好酒下 年老欲補加混沌

衣全一入藥

即胎衣

魏武帝服天門冬例

魏武帝與皇甫隆令曰聞卿年出一百歲而體力不衰
耳目聰明顏色和悅此盛事也何所服食施行可得
聞乎相容示封上疏對曰臣聞天地之性人為貴人
之所貴莫貴於生荒唐無始劫運無窮人居其間或
如電過每一思此惘然心熱生不再來逝不可追何

不抑情養性以自保惜今四海垂定太平之象又須
當展才布德萬年無窮猶當修道道甚易知但不能
什臣嘗聞道人蒯京年已百七十八歲而甚丁壯言
當朝朝服食玉泉啄齒使人丁壯有顏色去三蟲而
堅齒玉泉者口中唾也朝旦未起早漱津令滿乃吞
之輒啄齒二七遍如此者亦名日煉精蒯道人年二
百面少告臣言但取天門冬去心切乾之搗取方寸
匕日三令人不老有補益無損可以壽而康也諸藥

本草及諸子書異傳臭載功德久服皆能成僊不為
虛語

二茸丸

肉苁蓉

酒浸四兩

牛膝

酒浸

兔絲子

酒浸

石解

酒炒

枸杞子

巴戟 山茱萸

沈香

白茯苓

澤瀉

乾山藥 五味子

杜仲

各二兩

冬夏二至加鹿茸四兩酥炙四十已上加天雄二兩
右為粗末煉蜜丸桐子大空心溫酒下三五十丸

參斯丸

治婦人無子絕產

厚朴

杜仲

秦艽

桂心

各三錢

防風

附子

各六錢

白薇

半夏

乾薑

牛膝

沙參

各二錢

人參

四錢

細辛

五錢

茯苓

六錢

右並生用杵羅為末煉蜜丸小豆大每服五丸空心溫酒下漸加至十丸不妨十餘日覺娠三日後不可更服有一人妻年二十九歲服藥十二日有娠餘

藥與石門主簿其妻斷產十三年服此藥有子又餘
藥與前太守子中舍字交其妻年四十九歲無子服
此藥十三日有娠若寡婦不宜服此藥 婦人有娠
苦食馬肉難則當產出月始皇母先懷而後性恐知
則教食馬肉則延期而生
混元丹此藥可增入三才丸

胞衣一箇頭尾兒者斟用酒浸曝乾細剉為末

經驗後方

華山錠子茯苓研削如棗許大令四方有角安新甌
瓶中以好酒浸三重紙封其頭候百日開其色如飴
糠可日食二塊百日後肌體潤澤服一年後可夜視
物久久服之血化為筋延年耐老面如童子

治婦人始覺妊娠養胎轉女為男

雄黃一兩囊盛帶之

又治耳聾方

雄黃 硫黃

右等分為細末綿裹塞耳中

神注丹

在定志
九前

茯苓

四兩

硃砂

四錢

右糯米酒煎茯苓至輕切作片子陰乾為末入硃砂末二錢和勻乳香水打糊為丸桐子大硃砂為衣餘不盡者養藥陽日二九陰日一九要秘新汲水下要逆氣過空心溫酒下疑作陽一陰二可較也

丁香丸

丁頭代赭石

半兩

丁香

三錢有油者

舶茴

二錢

南乳香

三錢紫色者另研

右二味先杵碎為末次二味搗羅為末後入香和勻

重羅至勻好釀醋浸蒸餅為丸如雞頭大好心紅三

錢為衣當辰火日合藥并火日初服一日一九次日

二九三日一九四日二九週而復始至十日為度許

十九每服早晨汲新水迎日光照水然後飲嚥送下

孫真人枕中記服茯苓百日百病消除二百日夜如盡

三年後能使鬼四年後玉女來從

枹朴子云任子李服茯苓十八年玉女來從之能隱能

彰不食穀灸癰瘰面生光玉澤

紫石英丸

治婦人絕子當
在僉斯丸後

紫石英

研水飛
三兩

天門冬

酒浸去心
焙乾三兩

當歸

切

川芎

紫威

卷栢根去桂

川烏

炮去
皮臍

熟地黄

葳蕤

石解

去根

禹餘糧

醋淬
七次

辛夷仁

各二
兩

桑寄生

續斷

細辛根

厚朴

薑
製

乾薑

炮

食茱萸

牡丹皮

人參

牛膝

酒浸各一

兩二錢半

栝子仁

輕粉另研

甘草

炙

烏魚骨

燒

山預

各一

兩半

右二十六味為極細末煉蜜丸桐子大每服三十九

溫酒米飲任下空心食前日二

溫經湯

當歸

川芎

人參

芍藥

牡丹皮

桂

甘草

阿膠

麝炒

吳茱萸

見炒

已上各三兩

半夏

一兩

半製

麥門冬

去心洗
五兩半

右剉每服三錢水一盞半生薑五片煎至八分去渣
得清內膠化開溫服食前空心此劑即調和也

枹朴子法

婦人絕嗣孕 弓弦用緊腰 三箇月足候

胎氣受道遙

內藥續生丸

並見珍珠
囊藥後

母丁香 附子 枯礬 肉豆蔻

烏魚肉

右製度綿裏內陰中打糊入藥內為要丸綿裏內之
又方治帶下絕產

川烏 枯礬

炮

右等分細末蜜丸彈子大綿裏內陰中

大白薇丸 小白薇丸 熟地黃丸

澤蘭丸

在牡吾
丸下

牡丹煎丸

二藥並治婦
人血虛發熱

保安丸

保命救生丹

並見
後

御方菰蓉薑多服宜子孫

肉菰蓉

洗淨去鱗甲皮垢開心如有黃白膜亦去足取淨二兩切作片用好酒洗乾糯酒浸

透

羊脊骨連髓

三兩別剉碎銀器內水二斗熬汁三四升澄清

鹿腰脊髓或羊腰脊髓

不許多少

松子仁

湯浸去薄皮研半兩

胡桃仁

湯浸去薄皮研泥半兩

山藥

不計多少

右將上件物於羊骨汁內先入松泥胡桃仁作羹熟

入五時味隨意調和空心與服餌鶴鵲飛硫黃鱖魚

雞等皆可作羹食用鴨子亦可

粳米與熟雞頭泥相和作粥食之可以益精髓強心志
耳目聰明粳亦作糯夏月食雞頭肉次食粳米粥飯

亦妙

萬安丸

一名山藥丸
一名菰蓉丸

菰蓉

酒浸
四兩

山藥

二兩
半

五味子

二兩
半

杜仲

切焙
三兩

牛膝

酒浸

兔絲子

酒浸

赤石脂

紫巴戟

去心

各二
兩

白茯苓

澤瀉

熟地黄

山茱萸

各一兩
七錢

右各搗細末另拌蓯蓉末酒熬膏和丸桐子大每服
五十九空心溫酒下忌大醋羊血自死物七日内顏
色精神 蓯蓉丸四加法欲進者加白馬莖骨如無
以鹿茸代之陰下溫痒者加蛇床子一兩

保安丸

治胎前產後三十六種冷血風半身不遂手腳疼痛
又治八風十二痺疝癰乳中風淋血聚胎動不安子

死腹中胎衣不出赤白帶下嘔逆惡心痰滿臍下痛
此方出草細辛條下

赤茯苓

牡丹皮

芍藥

各三兩

茱萸

一兩

沈香

一兩

人參

當歸

桂

牛膝

白芷

木香

藁本

麻黃

去根節

川芎

附子

細辛根

澤蘭

甘草

炙

凝水石

防風

桔梗

蟬殼

各半兩

生地黃

馬胡退

各一兩世用出蠶紙非也蠶腹還下皮即真馬胡
還也兼初蟻蟻非退也乃生也世人以其無退皮

故以蠶紙歲月既淹習
以成製用者當以詳之

一法加細墨乳香各少許 一法以硃砂為衣

右為細末煉蜜丸彈子大每服一二丸細嚼酒下

大效牡丹皮散

治五臟虛風及頭目不利不思飲食手足煩熱支節
拘急疼痛胞膈不利大腸不調陰陽相干心驚忪悸
或時旋運支節勞倦

牡丹皮

一兩

桂

半兩

陳皮

半兩

玄胡

半兩

川芎

二兩

木香

三分

白朮

三分
麩炒

甘草

炙半兩

芍藥

二錢

三棱

炮半兩

乾薑

炮半兩

當歸

一兩

訶子肉

二錢
麩活

半兩

枳殼

麩炒
一兩

半夏

半兩
洗

右細末每服二錢水半盞煎至五七沸食前溫服此

藥婦人常服益血海退血風勞攻注消寒痰實脾胃
理血氣攻刺及氣虛惡潮熱等證至妙

仲景治陰汗

沒石子燒灰先以溫湯浴了以綿輕裹然後傳灰囊

上甚良

玉胞肚

川烏 細辛 良薑 乾薑 桂 天仙子

牡蠣粉

胡椒

右為細末醋調塗臍下綿衣覆之

綿襠法

去陰汗溫
痒或注瘡

荊芥 地骨皮 小椒 廣零陵香

何首烏 牡蠣 細辛 蛇床子

吳茱萸

各一兩

大艾葉

右細末每用一匙入葱白三寸許煎數沸得藥力熱

漂淋洗

七寶散

治汗熱浸漬成瘡痛痒不已

黃耆 當歸 防風 荊芥穗 木通

地骨皮

各三兩

枯礬

右麤末每服一兩水三大碗煎至六七沸去查熱淋

洗患處拭乾避風少特

千金方丈夫陰下濕痒蒲黃傳之良

陰囊濕痒槐枝煎湯漂洗

乾荷葉散

治陰腫痛及陰痿囊濕痒又陰下濕痒若熱則梔子

金華丸

蛇床子 乾荷葉 浮萍葉

各等分

右粗末每服三大錢水一碗煎三五沸去渣淋漂避

風寒

問曰翕奄沈名曰滑何謂也然沈為絕陰翕為正陽陰陽和合故令衄骨關尺自平陽衄微沈食飲自可少陽衄微滑者緊之浮名也此為陰實其人必股內汗出陰下濕也若痒則有風宜以

白附子 白蒺藜 黃耆 獨活 防風

右等分若虛則補宜八味丸

烏金散

治夢泄精
骨不禁

九肋驚甲每服一字用清酒半盞童子小便半小盞

葱白七八寸同煎至七分和渣空心溫服

土粉散

治汗熱浸清生瘡腫痒焮痛

定粉

蛤粉九兩半

白石脂

半兩

滑石

八兩半

白龍骨

半兩

粟水粉

寒水石

一兩

石膏

半兩

右為細末乾摻患處

神效丸

原蠶蛾取速連者不以多少去頭尾毛羽

右乾為細末煉蜜丸桐子大每服七丸至十九臨卧

菖蒲湯下

千金云臨其時當使王莖至陰節間而止不爾則過子宮矣予問其故師曰深則少陰之分肅殺之方何以生化淺則厥陰之分融和之方故能生發所以受胎之處在淺而不在深也

忌辰非月經侈皆不可用事惟經後一日男二日女三日男此之外皆不成胎大風大雨大寒大暑陰晦日月蝕八節非常之變易皆不可交接所生男女痴聾

瘡癰四肢不完多窮下賤垂危異常若不犯此即大
聰明智慧富貴之子

五補例 局方五補丸

人參 牛膝 茯苓 地骨皮 熟地黃

右細末煉蜜丸桐子大空心酒下三十九丸本方服數
服以七寶丸泄之 易老云凡十補必一瀉之數瀉
祕一補之所以不失通塞之道補虛必泄瀉實必虛
滯則通之使後藥必能成功若不泄有服八味丸一

二年不成效者但補後泄滯不必七寶丸泄之可以去滯者皆是也

海藏大五補丸

此當在三才丸下

天門冬 麥門冬 茯苓 石菖蒲 人參

益智 枹杞 地骨皮 遠志 熟地

等分

牡蠣地黃丸

論曰火多水少亡精血損之源火少水多陽竭停液之本精遇水衰者熱退而愈精衰熱盛者脇滿而痛

經云尺內兩傍以候脅尺外以候腎注云脅之上腎之分脅之內腹之分若脾胃得積濕塞其水路肝臟不足無血漬其腎熱也又曰伏穀氣以生精托醎寒以追熱若服此味養命延年

生地黃

三兩

牡蠣

燒存性
一兩

天門冬

二兩
半

人參

一兩
半

當歸

二兩半
童便浸一宿燒

車前子

三兩

括萎

一兩

右細末生薑自然汁糊丸桐子大如足腫炒葶藶

湯下 如脅下滿鹽薑湯下 如潮熱小便赤澀

湯下 如腹痛芍藥甘草湯間服五十九服空心

如飲食少無味人參湯下

瓊玉膏鐵竈先生方

人參

二十四兩
十斤為末

生地黄

一十二斤取汁不犯
鐵器石木臼內搗

白茯苓

十四兩木
杵臼內搗

右件人參茯苓為末用白沙蜜十斤生用濾過地黄

取自然汁木石臼皆可取汁盡去渣用藥一處拌勻

入銀器內或好甌器內封如器物小或兩處亦可用
淨紙二三十重封閉入湯內以桑炭煮六日連夜火
煮三日夜取舊湯內煮一日用蠟紙數重包繫瓶口
懸井口以去火毒一伏時取之再入舊湯內煮一日
以出水氣取出開封取三匙作三盞好溫酒化開服
不飲者白湯化之此膏填精補髓髮白變黑返老還
童行如飛羽日進數服終日不識不食通心強志日
誦萬言神識高邁夜無夢寐人年二十七歲已前服

此一料壽三百六十歲四十五以上服者可壽二百
歲六十三以前服者可壽一百二十四歲八十一歲
已上服者可壽百歲誠不虛說若服之十劑絕嗜慾
修陰功可地仙矣一料分五處可救五人癰疾分十
處可救十人勞瘵合時須齋戒沐浴淨室焚香志勿
輕易當謹慎修製無示非人惟此藥可以與三才九
為表裏



醫聖元戎卷九

欽定四庫全書

子部

醫聖元戎卷十

詳校官太醫院醫官汪姜晟

編修臣倉聖脈覆勘

總校官編修臣王燕緒

校對官編修臣汪墉

謄錄監生臣李昂

欽定四庫全書

醫壘元戎卷十

元 王好古 撰

此卷癰疽一條并眼藥數方內有天門冬地黃之類故入少陰例

素問寒癰疽例

經云腎移寒於脾發為癰腫少氣脾移寒於肝發為癰腫拘攣又云寒癰此皆安生岐伯曰生於八風之所

變也又去地之濕氣感則害人皮內筋脉聖濟云衣服過厚表易著寒所得之源大抵如此或發不變色或堅硬如石或捻之不痛久則然後變色疼痛漸熨而成膿如泔而稀久不能差瘡口不合變為疔漏販壞肌肉侵損骨髓以致痿痺宜以此骨碎補丸主之

方

魯山新製

骨碎補

補骨脂

熟地黄

川當歸

續斷

石楠葉

黃耆

石斛

牛膝

杜仲

草薢

以上各一兩

附子

炮一兩

白芍藥

川芎

兔絲子

沙參

羌活

防風

獨活

天麻子

各一兩五錢

此方與大樓方相表裏前桂枝拾遺後有

木瓜

兔絲子

白朮

邢三郎家小兒病寒疽久不愈先以四物穿山甲湯透

之復以地黃當歸湯補之繼以骨碎補丸外治

骨碎補丸

主治並見局方

諸痺筋骨疼痛脚膝痺痛

骨碎補 虎骨 自然銅 天麻 當歸

酒浸

沒藥

另研

牛膝

酒浸

川芎

去皮臍
各半兩

乳香

硃砂

各三錢
另研

右為細末酒糊丸桐子大每服三五十丸食前溫酒

下

虎骨散出局方為末酒糊丸

千金翼乾地黄丸

治壯熱人常服之終身不發癰疽悅澤酬勞苦

生地黄

天門冬

去心各四兩

巴戟天

括萎

肉蓯蓉

人參

桂心

各六兩

大黃

三兩當歸

黃耆

黃芩

遠志

石斛

甘草

炙各二兩

右為細末煉蜜丸桐子大酒服十九加至二十九或

三十九

明目例

按經云天明則日月不得明邪害空竅天所以藏德者

為其欲隱大明故大明見則小明滅故大明之德不可不藏天若自明則日月之明隱矣所論者何言人之真氣亦不可泄露當清淨法道以保天真苟離於

道則虛邪入空竅

空音孔竅若昂反

陽氣者閉塞地氣者冒

明陽謂天氣亦風熱也地氣謂濕亦雲霧也風熱之害則九竅閉塞霧露之為病則掩翳精明取類者在天則日月不光在人則兩目隱耀也靈樞經曰天有日月人有眼目易曰喪明于易豈非失養正之道也

雲霧不精則上應白露不下霧者雲之類露者雨之類陽盛則地不上應陰盛則天不下交故云露不化精微之氣上應於天而為白露不下之咎矣陰陽應象大論曰地氣上為雲天氣下為雨出地氣雲出天氣明二氣交合乃成雨露又盛衰論曰至陰虛天氣絕至陽盛地氣不足明氣不相召不能交合

六合丸

天門冬 麥門冬 生地黃 熟地黃

枸杞子 地骨皮

七仙丸

兔絲子 車前子 巴戟 萆薢 熟地黃

枸杞子 甘菊花

一名駐車丸菊花丸相合七味

益陰丹

熟地黃

四兩

萆薢

三兩酒浸

枸杞子

二兩

巴戟

二兩去心

右為末酒糊丸桐子大

永壽丹

天門冬 熟地黄 枸杞子 甘菊花
已上方皆煉蜜丸桐子大米飲湯下酒亦得

諸風例

風氣與太陽俱入行諸腧俞散於分肉之間與衛氣相
干其道不利故使肌肉慣脹而有瘍衛氣有所凝而
不行故其肉有不仁也瘍者有榮衛熱附其氣不清

故使其鼻柱壞而色敗皮膚瘍潰風寒客於脉而不
去名曰癰風或者曰寒熱癰本癰風又云因而露風乃
生寒熱亦癰風也

易老祛風丸

治疥癩經云風中血脉而成癰風癰風即癰也

黃耆 枳殼 防風 芍藥 甘草 生地黃

熟地黃 地骨皮 枸杞子

右九味木臼杵為細末煉蜜丸桐子大空心白湯下

五十丸此藥與摩風膏子外治相表裏

御方祛風丸

生地黄 熟地黄 防風 甘草 枳殼

芍藥 枸杞子 地骨皮

右細末煉蜜丸桐子大每服三十五丸溫酒下

烏白散

治大風偏身生瘡累醫不效者

白花蛇

酒浸焙乾三兩

烏蛇

同上

地龍

三兩去土

白芷

二兩

細辛

去上

天麻

各一兩

荊芥

二兩

當歸

一兩

蔓荊子

二兩

苦參

二兩

杜蒺藜

不灰木

菖蒲

天門冬

去心

紅芍藥

定風草

川芎

胡麻子

炒

何首烏

木鱉子

去皮油

羌活

草烏頭

蒼朮

製各二兩

威靈仙

去上

甘菊花

沙苑蒺藜

木賊

甘草

沙參

紫參

各二兩

治細末每用二三錢溫酒調服日二三服忌動風之物并房事

大樓方陽氣者精則養神氣則養筋開闔不得寒氣從之乃生大樓

羌活 防風 細辛 附子 當歸 甘草

川芎 續斷 白芍 白朮 桂 麻黃

黃耆 熟地黃

此藥當與魯山骨碎補丸相表裏

仲景旋覆花條下注痙痹二證

龍蛇散

治風虛頑麻遍身白癩紫癩癰疹痒痛者

白花蛇

去骨炒

烏梢蛇

去骨炒

草薢

天麻

骨碎補

金毛狗脊

自然銅

醋淬

黃耆

楓香

研

地龍

去土

草頭烏

鹽水浸各一兩

乳香

沒藥

各三錢

麝香

二錢

右細末酒糊丸桐子大每服一十五丸酒下食後為細末酒調亦得內有佐經丸亦可例草烏後

復肌丸

治肺氣赤白癰蜜痒耳鳴癰瘻口眼喎斜

白花蛇

酒浸
去骨

烏蛇

同

天麻

牛膝

酒浸
一兩

白附子

炮

白殭蠶

各一
兩半

白芷

一兩

右為細末煉蜜丸桐子大硃砂為衣每服二十九溫

酒下

還風散

治痺肺風攻注皮膚癰疹痛痒一切肺風

苦參

白蒺藜

右等分為細末酒調下食後

黃蘗例

大鳳髓丹

半夏

炒

木猪苓

茯苓

紅蓮蘗

黃蘗

炒二兩

縮砂仁

一兩

甘草

半兩

益智仁

各一錢半

治心火狂陽大盛補腎水真陰虛損心有所欲建於
盛動應之于腎疾於施世固真元降心火益腎水大
有神效

正鳳髓丹

黃蘗

二兩

縮砂仁

一兩

甘草

半兩

經云腎惡燥以辛潤之縮砂味辛以潤腎燥又云急食苦以堅之黃蘗味苦以堅腎水又云以甘緩之甘草味甘以緩腎急又云甘補之甘味以生元氣古人云瀉心者非也乃瀉相火益腎水之劑若以黃蘗瀉心火則黃連當瀉何經

二藥並用酒主糊為丸如桐子大溫酒下三十九晨服

小鳳髓丹

一名養真丹

甘草

一兩

黃蘗

二兩

梔子金花丸

即活人解毒湯也

加蘆會沈香為蘆會丸青黛為衣

去大黃加防風

為五黃丸

加連翹為連翹金花丸蘆薈丸治小兒

疳熱發黃糊丸黍米豆大溫水下二十丸無時

解毒丸

治大小積熱咽喉目赤癰腫心忪不安中暑發熱渴

寒水石

一兩六錢

青黛

八錢

石膏

一兩一錢已上各研細

右和勻蒸餅丸鷄頭子大每服一二丸新水化下薑湯亦得

拔毒丹

一名拔毒散

治肉色變赤四肢胞背游走焮熱腫痛

黃栢

甘草

各一錢

石膏

二錢

寒水石

七錢

右細末水調搗

海藏云子觀此方極有理不惟外治內治亦效量兒大小以水調服方寸匕更與掃之內外俱治也凝水泄

腎石膏泄三焦大熱黃蘗又治命門相火之本甘草
以消毒緩急所以多效故入小鳳髓丹例

固元丹

治血枯大脫血崩中漏下不止房屋過度氣竭肝傷
五心煩熱或勞保真益血脉尺中及三部而實膏梁
有餘者主之

黃蘗

四兩

生地黄

三兩

縮砂仁

二兩

益智仁

一兩

甘草

生用
二兩

右為極細末滴好醇酒為丸桐子大每服三十九空心淡益湯下漸加至八十九以意消息治之加真續斷二兩治心火加黃連一兩治風加當歸川芎各一兩代赭為衣

易老珍珠丸

黃蘗

二兩

蛤粉

二兩

右剉黃蘗新瓦上炒細末水几鹽酒溫任下治陽盛陰虛精不禁之奇方也

秘真丸

紅蓮蓋

一兩

益智子

一兩

猪苓

半兩

縮砂仁

一兩

半夏

半兩

黃栢

一兩

茯苓

一兩
酒浸陰乾

右細末蒸餅丸桐子大每服五十丸空心米飲下

保真丸

脫精命門相火
盛服此方上之

黃蘗

黃連

黃芩

梔子

大黃

縮砂仁

甘草

生地黃

白茯苓

益智

人參

地骨皮

蓮子皮

右為細末生地黄汁糊丸桐子大

賀蘭先生解毒丸

一名保命丹
一名化毒丹

善治毒諸藥山嵐瘴氣魚果肉麪菜毒冬丹毒夏月
暑毒傷寒餘毒小兒疹瘡癰毒熱毒喉痺急毒凡有
名之毒悉皆治之

黃蘗 管仲 茯苓 藍根 乾葛 地黃

雄豆 甘草 滑石 縮砂 陰地厥

薄荷 各二
兩 山豆根 土馬鬃 豆粉

益智 大黃 寒水石^生 紫河車 馬勃

龍膽 白殭蠶 百藥煎 山梔子^{各一兩}

右為細末煉蜜丸每一兩作十丸細嚼新水下一丸
津嚥亦得 小兒驚風薄荷湯下 或蜜水浸蒸餅
為丸亦可夏月尤宜時服永無熱病冬服無傷寒

晉云賀蘭仙人也有日帝問曰朕聞卿能點化瓦爍
為黃金然否公雍容對曰陛下貴為天子富有四海
臣願以堯舜之道點化天下帝慚 子嘗以此推之

先生望明君猶存此心術後之人當如何耶

清心丸

黃蘗

生二兩

麥門冬

龍腦

一法加天門冬黃連 右細末煉蜜丸桐子大每服

十丸麥門冬酒下薄荷湯亦得

錢氏瀉心湯

瀉丁也

導赤散

瀉丙也

火府丹

丙丁俱瀉

黃芩

一黃連

一生地黃

二木通

三

右細末蜜丸桐子大每服二三十丸溫水臨卧

經進十精丸

賜紫金魚袋監中岳重福宮臣覽諸方一千餘卷檢
見此方其功大如臣服半料多病眼昏而復明氣衝
而實四肢輕健百節舒暢萬病消除臣今進方於後

皇祐二年
正月進

枸杞

天之精

熟地黄

地之精

乾山藥

土之精

兔絲子

金之精

桂

木之精

栢子仁

陰之精

甘菊花

陽之精

肉蓯蓉

水之精

茯苓

千年之精 漢椒火之精

右件十味各揀淨擇製造如法搗羅為細末就藥酒打糊為丸桐子大每服二十九茶酒鹽湯任下空心日進二服男子元氣損耗精神虛弱面色痿黃肢體瘦乏臍腹久冷五淋損傷夜夢遺精五勞七傷上實下虛行步艱難小腸疝氣腎虛腳弱及婦人子宮久冷血氣滯多真胎石結飲食無味四肢沈困夜夢難分臍腹虛痛心疼頭痛此藥服之立有神效

神仙六子丸

治男子血氣衰敗未及五十歲髮斑白若服此藥百
日黑如漆

兔絲子 金鈴子 枸杞子 覆盆子

五味子 蛇床子 何首烏 舶茴

各一兩

牛膝 地骨皮 木瓜

各一兩 熟地黄

三兩

右蜜為丸每服五十丸空酒下要髮黑前件藥內別
加人參茯苓石菖蒲各一兩忌蘿蔔生韭薤菜蒜

十補丸

治男子腎藏虛精氣寒滑婦人血海冷經脈不調除
寒濕養脾胃手足溫和

玄胡索 胡蘆巴 破故紙 茴香 川芎

附子 桂 當歸 紫巴戟

肉蓯蓉

右等分酒糊為丸每服三五十丸溫米飲下空心食
前酒鹽湯亦可

神虛五味子丸

主治修製並見局方

治婦人五淋小便赤

古方鹿角霜丸乃驪珠太和之祖也並見湯液本草白膠條下白膠阿膠皆鹿角膠也

太和膏

劉快活仙進方補其壯下元治本藏虛弱進食強筋骨助脾胃補損傷久服延年益壽長生不老消除百病

當歸

酒浸

川芎

四兩

茯苓

酒浸四兩

舶茴

六兩

川棟子

破故紙

猪實子

遠志

去心

白朮

各二兩

葱白

十根

韭子

三兩

胡桃

五十箇切作片

黃蠟

一兩半

白茯苓

枸杞子

胡蘆巴

各三兩

右用鹿角三十斤東沅河水三十擔銅灶鐵鍋二隻

靠鹿頂截角用赤石脂鹽泥於截動處塗固之勿令

透氣於甑內煎一炊時用馬蘭刷就熱湯刷去鹿角

上血刺塵垢訖可長三四寸截斷鹿角外將前件藥

一十六味拌和勻停先鋪一層角於鍋內角上鋪一層藥如此勻三層鋪之將河水添在藥鍋內其水於角上常令高三寸無烟木炭熬令常小沸勿令大沸外一鍋內專將河水煎湯亦勿令大滾如藥鍋內水積下却與熱湯內取添上令三寸却取河水添在熱湯內續續倒添至二十四時住火候冷時將鹿角撈出用白絹濾取汁其藥滓不用外將藥汁如煎法再煎更不用加水如膏滴水不散凝結方成

驪珠丹

鹿角霜

白茯苓

斤一

澤瀉

兩四

白龍骨

兩二
水飛

再同為細末以醇酒一斤鎔開太和膏六兩入煉蜜
四兩更熬令勻搜和前藥成劑丸如桐子大每服三
十七丸空心溫酒下漸至百丸其效不可具述海藏
云大抵益陽之藥本為命門相火衰陽事不舉有誤
子孫計故聖賢著書立意扶虛補不足也後人耽嗜
色慾喪身夭命惜哉

腎氣內消丸

山茱萸

食茱萸

馬蘭花

川楝子

炒

陳皮

吳茱萸

茴香

木香

各等分

右為細末醋糊丸桐子大每服二三十丸空心鹽湯

送下

又方

青皮

川烏

葫蘆巴

草撥

木香

茴香

紅皮

破故紙

桃仁

各等分

右細末酒糊丸桐子大每服三十丸鹽湯下

金鈴子丸

治小腸氣疼不已或腫徧火

金鈴子

茴香

當歸

葫蘆巴

蝎梢

各等分

右為末酒調下一二錢

枳殼五倍丸

治痔漏

枳殼

炒

五倍子

炒各等分

右蜜丸空心溫酒下三五十丸一本枳殼五兩五倍

子一兩蜜丸米飲下

碩夫枳殼茴香丸

枳殼

二兩麴炒去
穢另為末

茴香

一兩另為
末鹽炒

好酒半碗入茴香末熬成膏子次入枳殼末丸桐子
大却用龍骨末一二兩磁鉢內培養服時去龍骨末
每服三十丸鹽湯任下

又一法用

枳殼

二兩

茴香

一兩

龍骨

半兩

酒糊為丸如用噲五味子數枚嚥津

香殼丸

枳殼

麩炒
去皮

茴香

炒黃各
等分

右為細末酒糊丸桐子大空心酒下二三十丸亦得

局方桔梗枳殼湯

主治修製
並見本方

易簡枳殼湯

服之縮胎易產妊婦臨月服之特有神效丈夫婦人
寬中下氣治腸中諸痛尤得其宜

枳殼

五兩

甘草

五兩

右咬咀每服四錢水一盞煎至六分去滓熱服或為
細末更加香附子一兩尤妙如丈夫婦人冷氣攻
刺肋疼痛加葱白二寸火煨入煎藥服能飲者細嚼
葱白熱酒調下服之如胞膈氣閉飲食不進葱白
湯調服腎氣腫痛煨葱白二寸茴香一大撮同嚼
熱酒服若久久服之永不發動如腰背氣痛用葱
白湯調服訖即卧少時旋能作效脚氣發動空心熱
湯調服婦人因脾寒血閉成塊熱酒服之產後

血氣不和熱湯調服心腹氣痛口吐清水飲食不消
胞膈脹脹葱白湯調服 冷物傷脾發痛無時胡椒
煎湯調服大小便秘煎白牽牛湯調服 婦人血暈
兩太陽痛頭旋欲倒者煎艾湯調服 婦人經脈不
行手足發熱或身潮熱先用葱白湯次用蒲黃湯調
服若經脈不調脾胃稍壯者當用大聖散服之數有
神效若經血不調血藏疼痛者當用小溫經湯以當
歸附子二味等分白水煎服

小兒面黃胃冷吐食煎木瓜湯調服

一者因而飽食筋脉橫解腸澼為痔

二者因而大飲則氣逆肺氣舉故氣逆而上奔

三者因而強力腎氣乃傷膏骨乃壞強力入房骨乏

體枯

金匱要畧水氣病脉證治

後代名醫諸書所說皆取此以為法

師曰病有風水有皮水有正水有石水有黃汗 風水

其脉自浮外證骨節疼痛其人惡風 皮水其脈亦

浮外證跗腫按之沒指不惡風其腹如鼓不可當發
其汗 正水其脉沈遲外證自喘石水其脉自沈外
證腹滿不喘 黃汗其脉沈遲身體發熱胞滿四肢
頭而腫久不愈必致癰腫也 脉浮而洪浮則為風
洪則為氣風氣相擊身體洪腫汗出乃愈惡風則虛
此為風水不惡風者小便通利上焦有寒其口多涎
此為黃汗太陽病脉浮緊法當骨節疼痛而反不疼
身體反重而酸其人不渴汗出則愈此為風水惡寒

者此為極虛發汗得之渴而不惡寒者此為皮水身
腫冷狀如周痺腦中渴不能食反聚痛暮燥不眠此
為黃汗 痛在骨節欬而喘不渴者此為脾脹其狀
如腫發汗則愈 然諸病此者渴而不便小便數者
皆不可發汗裏水者一身面目洪腫其脉沈小便不
利故令病水 假如小便自利亡津液故令渴也跌
陽脉當伏今反緊本自有寒疝癥腹中病醫反下之
下之即胞滿短氣也 跌陽脉當伏今反數本自有

熱消穀小便數今反不利此欲作水 寸口脉浮而遲浮脉則熱遲脉則潛熱潛相搏名曰沈跌陽脉浮而數浮脉則熱數脉則止熱止相搏名曰伏沈伏相搏名曰水沈則絡脉虛伏則小便難虛難相搏水走皮膚即為水矣 寸口脉弦而緊弦則衛氣不行即惡寒水不洽流走在腸間 少陰脉緊而沈緊則為痛沈則為水小便則難沈得諸沈當積有水身體腫重水病脉出者死 夫水病目下有卧蠶面目鮮澤

脉伏其人消渴病水腹大小便不利其脉沈絕者有水可下之 問曰病下利後竭飲水小便不利腹滿目腫者何也答曰此法當病水若小便自利反汗出者自愈 心水者其身重而少氣不得卧煩而燥其人陰腫 肝水者其腹大不能自轉側脅下腹痛時時津液微生小便續通 脉水者其身腫小便難時時鴨澇 脾水者其腹大四肢若重津液不生但要小氣小便難 腎水者其腹大臍腫腰痛不得溺陰

下濕如牛鼻上汗其足逆冷面皮瘦 師曰諸有水者腰以下腫當利小便腰已上腫當發汗愈師曰寸口脉沈而遲沈則為水遲則為寒寒水相搏跌陽脉伏水穀不化膽氣衰則驚澹胃氣衰則身腫少陰脉細男子則小便不利婦人則經水不通經為血血不利則為水名曰血分 問病者若水面目身體四肢皆腫小便不利師曰脉之不言水及言胞中痛氣上衝咽狀如炙肉當微欬喘審如師言其脉何類師曰

寸脉沈則為水緊則為寒沈緊相搏結在關元如時
當盛年或不覺陽衰之後榮衛相干陽損益陰盛結
寒微動緊氣上衝咽喉塞噫脅下急痛醫以為留飲
兩天下之氣上衝緊不去而病不除後重吐之胃家
虛損咽燥欲飲水小便不利米穀不化面目手足浮
腫又與葶藶丸下當時如小差食飲過度腫復如初
胞脅攻痛象若奔豚其水揚溢則浮動喘逆當先攻
擊衝氣全止治欬上其脅自差先治新病病當在後

風水脉浮自重汗出惡風者防已黃芪湯主之
腹痛加芍藥風水惡風一身悉腫脉浮不渴續自汗出
而無大熱者越婢湯主之

麻黃

去節
六兩

石膏

生薑

二兩
切

棗

十五
枚擘

甘草

炙二
兩

右㕮咀五味以水六升先煮取麻黃再沸去上沫內
諸藥煮取三升去查分溫三服惡風者加附子一枚
炮古今錄驗云風水加朮四兩

皮水為病四肢腫水氣在皮膚中四肢聶聶動者防已加茯苓湯主之

防已

三兩

黃芪

三兩

桂枝

去皮三兩

茯苓

去皮六兩

甘草

炙二兩

右五味㕮咀以水六升煮取二升去滓分溫再服

裏水越婢加朮湯主之

方見腳氣中

又甘草麻黃湯亦主之方

甘草

炙二兩

麻黃

去節八兩

右二味㕮咀以水五升先煮麻黃去查沫內甘草煮
取三升去查溫服一升重覆汗出不汗復服慎風寒
水之為病其脉沈小屬少陰浮者為風無水虛脹者為
氣水發其汗即已脉沈者宜附子麻黃湯浮者宜杏
子湯

附子麻黃湯

附子

二枚炮去皮
臍切作八片

麻黃

去節
三兩甘草
炙三兩

右三味㕮咀以水七升先煮麻黃再沸去上沫內諸

藥煮取二升半去渣溫服八合日三服

杏子湯

未見恐是麻黃杏仁甘草石膏湯也

厥而皮水煮蒲炭散主之

方見消渴中

師曰黃汗之為病身體腫

一作強

發熱汗出而渴狀如

風水汗沾衣色正黃如藥汁脉自沈問曰從何得之

師曰以汗出入水中浴汗從孔中入得之黃汗黃者

芍藥桂枝苦酒湯主之

黃耆

五兩

芍藥

三兩

桂枝

去浮皮三兩

右三味㕮咀以水七升苦酒一升相和煮取三升去
渣溫服一升當心煩也至六七日乃解若心煩不止
者以苦酒阻故也一方用美清醞代苦酒

黃汗之為病兩頸自冷假令發熱此屬歷節食已汗出
又身常暮臥盜汗出者此榮氣也若汗出已反發熱
者久久其身必甲錯發熱不止者必生惡瘡若身重
汗出已輒輕者久久必身濶濶即胞中痛有又從腰
已上必汗出下無汗腰下弛痛如有物在皮中狀劇

者不能食身疼重煩燥小便不利此為黃汗桂枝加黃耆湯主之方

桂枝

去浮皮

生薑

切

芍藥

各三兩

甘草

炙二兩

黃耆

右㕮咀入棗一十二枚擘以水八升煮取三升去查溫服一升須臾飲熱稀粥一升餘以助藥力溫覆取汗若不汗者更服之

師曰寸口脉遲而澁遲則為寒澁則為虛不足陽脉微而遲微則為氣遲則為寒寒氣不足則手足厥冷

手足厥冷則榮衛不利榮衛不利則腹滿胞鳴相逐
氣轉膀胱榮衛俱勞陽氣不通則身冷陰氣不通則
骨疼陽前通則惡寒陰前通則痺不仁陰陽相得其
氣乃行大氣一轉其氣乃散實則失氣虛則遺溺名
曰氣分氣分心下堅大如盤如旋杯水飲所作桂枝
去芍藥加麻黃附子細辛湯主之方

桂枝

去浮皮

生薑

切各二兩

大棗

二十枚

甘草

炙二兩

麻黃

去節二兩

細辛

二兩

附子

二枚炮去皮破八片

右㕮咀以水七升先煮麻黃再沸去沫內諸藥煮取二升去查分溫三服當汗出如蟲行皮中愈

心下堅大如盤如旋杯水飲所作枳實湯主之方

枳實

白朮

各三兩

右二味㕮咀以水五升煮取三升去查分溫三服腹中與即當散也

附方

夫風水脉浮為在表其人或頭汗出表無他病二者但

下重故知從腰以上為和腰以下當腫及陰難以屈

伸防已黃芪湯主之方

方見風溫中
出外臺祕要

海藏水氣問難

經云諸水身半以下腫者當利小便身半以上當發汗

經云身半以上天氣主之身半以下地氣主之天氣
主之者其在皮也其在皮者故汗而發之

問肌肉之外皮膚之裏首至足一身皆腫者當作何
治答曰亦宜汗之也與身半以上同法身半以上汗

之者尺寸之天地也故汗之肌肉之外皮膚之裏一身盡腫者從天而汗之此表裏之浮沈凡治之法當如是也肺心肝腎中州已上俱宜汗中州以下皆宜汗如小便利而渴不宜汗不宜下以其重亡津液故也問曰仲景云腎陰脉緊而沈緊則為痛沈則為水小便則難脉得諸沈當附骨身體腫重水病脉出者死王叔和云水氣浮大即延生二者不同何也答曰少陰證當沈故脉出者死也此水附骨以當沈而下

出則當微出本部即是得生也此箇出字出本部之外故死也經云陰陽俱虛脉出者死與此同意水氣斗大即延生者總而言之也五臟六腑上下表裏及諸部分俱在其中矣此陰盛而陽虛也故暴出者死何以然少陰沈知周身無陽也水病滯塞不通脉暴出何以周流捨一身養育一體故死也 腹上腫者屬戲陰腰腫者屬腎

海藏集仲景水氣例

水氣源流並出
素問水熱穴論

高低內外輕重表裏隨經補瀉要當謹察肺胃腎三經病即差也

仲景葶藶大棗瀉肺湯

治喘嗽痰涎面目浮腫

甜葶藶

苦葶藶

等分

大棗

仲景枳朮湯治心下水結如盤

仲景牡蠣澤瀉散治腰已下有水氣

仲景生薑瀉心湯治兩脅水氣腹中雷鳴

仲景甘草附子白朮桂枝湯治陰證自汗身微腫風濕

相搏小便不利

仲景真武湯治少陰三二日不已至四五日腹痛小便不利四肢沈重疼痛則不利此為水氣其人或欬或小便不利不利而嘔者

仲景十棗湯

大戟

芫花

甘遂

各等分

三花神祐丸

十棗湯加

牽牛

大黃

輕粉

水丸

除濕丹

神祐丸加 乳香 沒藥

玄青丹

神祐丸加 黃連 黃柏 青黛

右已上四味藥極有毒不可輕也

趲痛丸

大戟 甘遂 白芥子 大麥麵

各二兩

右三味藥為末拌和勻作餅大慢火炒黃熟再為細

末用大麥麵一兩同上拌勻糊丸桐子大空心冷酒
下十九至十五丸

明理趣痛丸

治腳氣上攻風毒走注疼痛神效又治水氣浮腫

白芥子生末

肥甘遂生末

大黃生末各一兩

右件用白麵一兩半滴水丸作餅子博令黃不可過
焦為末醋糊丸桐子大冷酒下二十九無時量虛實
加減

水氣下為跗腫上為喘呼不得卧者標本俱病故肺為喘呼腎為水腫肺為逆不得卧者分為相輸俱受者水氣之所留也

伏梁水氣日華子云在本草羌活條下

五皮散

生薑皮 陳皮 茯苓皮 桑白皮 大腹皮

一法加牽牛

各等分
白水煎

海藏老人法

調胃白朮澤瀉散

治痰病化為水氣傳為水鼓不能食

白朮 澤瀉 芍藥 陳皮 茯苓 生薑

木香 檳榔

一法加白朮本藥各半治臍腹上腫如神心下痞者
加枳實下盛者加牽牛

紫菀散

木香 人參 白朮 鐵腳紫菀 川芎

各二兩

右麤末生薑烏梅煎次日又一服

夫水氣者胃土不能制腎水逆而上行傳入于肝故令人腫治者惟知泄水而不知益胃故多下之強令水出不依天度流轉故胃愈虛食不滋味則發而不能治也莫若行其所無事則為上計不可不知

仲景十棗湯治太陽中風吐下嘔逆者可攻也若病懸飲者此湯亦主之

芫花 甘遂 大戟

等分末

右大棗十枚水一升半煮取八合去查內諸藥強人一錢七弱者只半錢七溫服之不下明日再服下後以粥補之

胡洽方治支飲澼飲於十棗湯中加大黃甘草五兩同煎服之故以相反之劑欲其上下俱去也 郁李仁

破澼氣能下四肢水 大抵去水藥多泄熱當求脉之虛實下之 叔和云水氣浮大即延生沈小命殂須努力

水氣求責法

有沈而有力 有沈而無力

有浮而有力 有浮而無力

中得之亦有有力無力

水氣脉并藥

腑沈大腸浮

大腹皮 茯苓 甘遂 大戟 芫花

旋覆 紫菀 陳皮 桑皮 杏仁

木香 葶藶 麻黃 梔子 芍藥

生薑皮 白朮

心沉小腸浮

桂 枳實 牽牛 芍藥 木通

脾沈胃浮

白朮 芍藥 生薑 赤小豆 棗 檳榔

黃耆 甘草 石膏

肝沈膽浮

川芎 芍藥 細辛

腎沈膀胱浮

澤瀉 茯苓 猪苓 白朮 木通 燈草

通草 牡蠣 滑石 澤蘭 附子 葶藶

瞿麥 車前 防己

化水丹 止消渴
化停水

烏頭 大者四
箇炮 牡蠣 燒
兩 蛤粉 六
兩

右細末醋糊丸桐子大冷水下三五十九飲水一擔
者一服愈

易老云益火之源以消陰翳則便溺有節烏附之類是也壯水之主以制陽光則渴飲不思蛤蠣之類是也取瘡跟中痛例

子和泄水丸改名大智丸泄水散改名大智散藏用丸

加減例

局方神助散

治十種水氣小便赤澀大便自利

葶藶

炒香另研二兩

牽牛

炒末二兩五錢

澤瀉

三兩

猪苓

去黑皮二兩

椒目

一兩五錢

右細末每服三錢匕葱白漿水入酒調下次以葱白湯投之忌麪鹽等物大小便利後大宜將息斷鹽房室三年 男子疝瘡或痛在莖之竅或在竅之標皆手足太陽不利熱毒下傳入手足厥陰故為紫黑色作蝕瘡壞其莖而死以子和泄水丸散導其濕毒無不愈者如已成瘡先泄其根蒂次從標而外治以葱白黑豆汁漂洗拭乾以黃連木香蜜陀僧乾胭脂之類細末塗之如內潰膿不出以追膿散上之後竅如

膿少可用黃連木香胭脂等貼之

泄水丸散亦能治足跟中痛腎主濕濕主痛故大泄之而愈以去其濕也 丙傳壬壬傳一一與庚合故以水泄丸泄之則愈

涌水風水石水之源

陰陽結邪少陰少陽名曰石水小腹腫三陽獨至者是三陽并至由此則但有陽而無陰也石水者謂冬月水水如石之時故曰石水也火墓於盛冬陽氣微微

石水而死也

腎肝並沈為石水並沈為風水

帝曰有病腎氣者面跗腫然壅塞可刺否岐伯曰虛不當刺不當刺而刺後五日其氣必至帝曰其至何如岐伯曰至必少氣時熱時促胸背上至頭汗出手熱口乾苦渴小便黃日下腫腹中鳴身重難以行月事不來煩而不能食不能正偃正偃則效病名曰風水論在刺法中帝曰願聞其說岐伯曰邪之所湊其氣必虛陰虛者必湊之故少氣時熱而汗出也小便黃

者小腹有火也不能正偃者胃中不和也正偃則欬
其上迫肺也諸有水氣者微腫見於目下也帝曰何
以知之岐伯曰水者陰也目下亦陰也腹者至陰之
所居故水在腹者必使目下腫也真氣上逆故口苦
舌乾卧不得正偃正偃則欬出清水也諸水病者故
不得卧卧則驚駭則欬甚也腹中鳴者病本於胃也
薄胃則煩不能食食不下者胃脘隔也身重難以行
者胃脉在足也月事不來者胞脉閉也胞脉者屬心

而絡於胞中今氣上迫肺心氣不得下通故月事不來也帝曰善帝曰諸水皆生於腎乎岐伯曰腎者壯藏也地氣者屬腎而生水液也而陰勇而勞苦則腎汗出腎汗出逢於風內不得入於臟府外不得越於皮膚客於元府行於皮裏傳於跗腫本之腎腎名曰風水帝曰少陰何以主腎腎何以主水岐伯對曰腎者至陰也盛水也肺者太陰也少陰冬脉也故其本在腎其末在肺皆積水也帝曰腎何以聚水而生病

岐伯曰腎者胃之關也關門不利故聚水而從其類

也上下溢於皮膚故為附腫者腫腎水而生病也陰

陽別論云三陽結之為水

注云脾肺之寒無脉結脾肺寒結化為水

此但

二陰而少腎一陰也湯液醪醴論云三焦閉溢水道

不通水滿皮膚身體痞腫潔淨府治水之法也 平

人氣象云頸血衄動喘疾咳曰水月窠微腫如卧蠶

起之狀曰水足脛腫曰水此上下之別也 帝問岐

伯曰水與膚脹鼓脹覃石癰石水何以別之岐伯曰

水之起也目窠上微壅如新蠶卧起狀狀其頸脉動
時欬陰股間足寒脛壅腹乃大其水已成也以手按
其腹隨手而起如裏水之狀此其候也 諸水大抵
胃土不能制腎水 凡治水者人惟知治水而不知
補胃如補胃多失之壅滯當用何法本草云赤小豆
治水腫通氣補脾胃

神方

烏雞子一箇去頂取清黃汁調膩粉一大錢令勻內

穀中以蒸餅剗裹之蒸熟去殼取熟黃二葶藶等分
炒為末與上併黃蒸餅等和丸如豆大每服三五十
丸車前子湯下小便澀不通煎瞿麥湯下

又方治單腹脹水氣

右隔紙炒苦葶藶二錢細末無根水下

百一方卒大腹水腫

青雄鴨以水五升煮取一升飲盡厚覆取汗

食治十種水氣不差垂死

以青頭鴨一隻治如食法細切和米并五味煮令極熱作粥食之

又法治水氣脹滿小便澀

白鴨子一隻去毛腸洗饋飯半升與椒薑同釀鴨腹中縫定如法蒸熟食之

又法治十種水氣垂死

鯉魚一頭重一斤者和冬瓜葱白羹食之

治鼓氣方

滑石

錢一

槐花

半錢

輕粉

錢一

右不犯鐵器為細末服生地黄自然汁生薑自然汁
停滴在藥中為丸桐子大一日服三丸次日服四丸
五日以來早晨只一服用生地黄汁溫送下小便中
水盡為度得睡後日服嘉禾散十日永不再發

胞轉小便不通非小腸膀胱厥陰之氣也蓋因強力房
事或過小便以致此疾非可利之藥所能利之也法
當治氣宜以

沈香湯主之方

沈香

木香

各一錢

右為細末煎陳皮茯苓湯調服空心食前服

錢氏塌氣丸

胡椒

一酒

蝎梢

半兩

右為細末麵糊丸粟米大每服五七丸至一二十丸

陳米湯下無時

木香塌氣丸

木香

胡椒

錢各二

蝎尾

兩半

枳實

兩一

郁李仁

錢四

白牽牛

兩一

木香

兩半

檳榔

兩半

右為細末飯丸菜豆大每服十九至十五丸陳皮生

薑湯任下

木香散

治單
腹脹

木香

青皮

白朮

薑黃

草豆蔻

以上各
半兩

阿魏

兩一

革澄茄

兩一

右細末醋糊丸菜豆大每服二十九生薑湯下

又方治鼓氣

大蝦蟆一箇新瓦二箇相合麻繩纏定盛在內鹽泥固濟厚令慢火燒之成灰存性溫酒調服三五錢

折傷例

乾城劉家接骨丹真方

虎骨一兩半

當歸

生硫黃半兩

附子一兩

川烏一兩

澤烏一兩

白附子

官桂

陳皮 青皮 金毛狗脊一兩去毛 骨碎補一兩

川棟一兩 縮砂一兩

赤芍藥四兩 自然銅四兩火煨醋淬七次

木鱉子一兩去皮油

乳香半兩 沒藥半兩 錢一兩

羊脛骨一兩灸

狗脛脊骨一兩灸黃 荏蓉一兩酒浸焙

牛膝一兩酒浸

川芎一兩

右二十五味為細末為二七分細者每服一錢酒調
溫服三分小黃米粥為丸桐子大溫酒下二三十丸
隨病上下食前後間服之

接骨丹

治從高墜下馬踏車碾筋斷骨碎痛不可忍接骨續筋止痛活血

鵬砂一錢半

定粉一錢

當歸一錢

右麤末煎蘇木湯調下二錢服訖時時服蘇木湯投之

接骨丹

治打撲損傷但筋體不斷皆治之

乳香

半兩碎

當歸

酒浸一宿焙乾用

威靈仙

酒浸一宿焙

骨碎補

去毛酒浸日乾

兔絲子

酒浸一宿

龜殼

酒浸

龍骨

酒浸

虎骨

酒浸酥炙以

上各半兩

右為細末蠟丸彈子大十歲以下服半丸二十歲以上服一丸好酒三盞煎用柳篋子攪勻和查只一服不得再服恐遇節必至蘆節後用貼藥

貼藥

黃松栢

一兩

乳香

研半兩

沒藥

三錢半

右細末用麵油調勻攤在緋帛上貼傷處用綿竹篋

夾定封須要子細對得骨正更用紙封

神仙正骨藥黑金散

半兩錢

一百文足炭火燒醋淬

水蛭

炒黃半兩

自然銅

半兩醋淬

乳香

半兩

沒藥

一兩

麝香

一錢

右細末四十以上服半錢四十以下服一字二三服

即效如蘆節用生薑自然汁溫酒一盞調服

如腰已上損折食後腰已下食前若骨不損者藥自

吐出無忌 繆刺云人有所墮惡血留出腹中脹滿
不得前後先飲利藥此上傷厥陰之絡刺足踝之下
然骨之前血腫出血刺足肘上動脈衝陽胃之原刺
入同身寸之三分留五可灸三壯不及刺三毛上各
一痛見血立已左刺右右刺左謂大敦穴厥陰之井
也其後議論當在此條下

初虞世治從高墜下及打撲內傷神效

麝香 水蛭

各一
兩

右剉炒令烟出研為末酒調一錢當下畜血未止再服其效如神

梅師方打撲傷損瘀血在內不散

蒲黃

右末酒調服 產後惡血不下蒲黃水煎服日月未足欲產蒲黃水調服

又一方法

大黃

兩一

當歸

二錢半

麝香

一字

生乾地黄

二錢

右剉水煎或醋童子小便亦得

聖惠方

治胎落車馬筋骨疼痛不止

延胡索

一兩

右為末豆淋酒下二錢匕不計時

導滯散

治重物壓傷跌或從高墜下發熱口內吐血下血出不止或瘀血在內胞脹脹滿粗氣短

當歸

剉微炒三錢

大黃

剉炒三錢

右細末豆淋酒調下二錢七不計時候

又方治登高墜下打撲損傷或損骨不損骨者有瘀血者

當歸

一兩

生地黃

一兩

川大黃

一兩

穿山甲

炮另研
半兩

右粗末秤三錢好酒煎服水煎入酒亦得煎成調穿

山甲末一錢

又方

乳香

錢二

沒藥

錢三

當歸

錢三

自然銅

醋

半兩

木香

錢一

青皮

錢二

白芍藥

錢二

穿山甲

炮

錢一

右為細末酒調服

又方

萵苣子

錢一

黃米

錢半

烏梅

去核

二

右細末蜜丸彈子大嚼一丸溫酒化開亦得隨上下

用

正骨膏

川烏 草烏 南星 半夏 當歸 芍藥

木鱉 官桂

白芷

已上各等分

右細末黃蠟鎔開小油和勻前藥末熬成膏子炙軟捏作餅子攤紙上貼損如前依常法固濟如法三日一易神效

治腦骨破及骨折葱白爛研和蜜厚封損處立效
一方葱白黃米粉同炒為末醋調糊承暖封傷損處
接骨丹

沒藥 乳香 當歸 川椒 自然銅醋淬

紅芍藥 骨碎補 敗龜板炙 虎骨

白芷已上各等分 千金藤郁里仁是也亦等分

右細末化蠟半兩凡如彈子大每服一丸好酒半升化開煎用東南柳枝攪散熱服

又方加 龍骨 川芎

此二味不加亦不妨若服藥人止後骨折處如金色圍之此方係黃大夫秘傳神驗

貞觀七年七月十三日唐相王珪進尉遲恭經驗傳到
針入肉不出者用之神效丁酉十一月五日第二來
人備細傳寫出箭頭方五月初四日尋下天仙子窠
木檠微動其根用水灌之回來至端午日早起不語
前去看根揖一聲曰先在此一木檠檠出背上至家
勿令婦人視之放乾用石杵臼之成劑丸如彈子大
緋絹袋盛之掛梁間勿令婦人見如用時置劑中以
裹肚繫之一伏時自出如至其皮不能出者撥開皮

肉自出也前出後不復瘡愈若登高墜下重物撞打
箭鏃力傷心腹胸中停積鬱血不散以上中下三焦
分之別其部分以易老犀角地黄湯桃仁承氣湯抵
當丸之類下之亦有以小便酒同煎治之者更有內
加生地黃當歸煎者有大黃者又法虛人不禁下之
者以四物湯加穿山甲煎服妙亦有用花蘂石散以
童子小便煎或酒調服之者此藥與前寒藥正分陰
陽可不辨也若瘀血已去復元通氣散加當歸煎服

亦可又一法筋骨損傷用佐經丸之類或用草烏棗肉為丸服之以諸行經者以其內無瘀血無故用之藥性寒熱溫涼不一惟智者擇之不可偏執也

此當在前

繆刺條下

瘡瘍疥癬例

神仙太乙膏

治虛疾八法癰疽一切惡瘡軟癰不問年月遠近已成膿未成膿貼之即效蛇蝎虎犬傷湯火刀斧所傷

並可內服外貼發背先以溫水洗瘡拭乾用帛子攤藥貼用水下 血氣木通湯下 赤白帶下當歸酒下 咳嗽喉閉纏喉風綿裹噙化 一切赤眼貼太陽穴後用山梔子湯下打撲傷損貼藥仍用橘皮湯下 腰膝痛貼吃鹽湯下 唾血桑白皮湯下 諸漏先以鹽湯洗其瘡並量大小以紙攤藥貼之 已上藥每服一九旋丸櫻桃大蛤粉為衣其藥可收十年餘愈久愈烈神效不可言

玄參 大黃 白芷 當歸 肉桂

右用麻子油二斤浸春五夏三秋七冬十日濾去渣
油熬得所次下黃丹一斤滴水中不散為度

善應膏

治楊瘍癰疽腫毒發腦發背發頤發髭或癰癰結核
或膿血已出如此算證并寒濕氣刺冷痺頑麻牙癰
外腫打撲閃挫金瘡杖瘡小兒頭面聚熱雜瘡蜈蚣
蛇蝎傷螫狗吠馬嘴或蜘蛛咬遍身成瘡腹脹大而

不可治者先飲生羊乳一杯後貼此藥大效及諸蟲
傷毒湯火漆瘡下注臙瘡深口內上白朮細末訖後
貼此藥一切大小瘡癰藥到毒 痛止排膿生肌滋
潤瘡口愈後常貼之落後急再貼之三五次後可以
滅絕癰痕 婦人乳癰丸如桐子大新水下二十丸
難產敗血復痛每服一二十丸溫水下凡貼瘡先以
熟湯洗去膿垢次以軟帛拭乾後用此藥貼之

小油

八十兩

黃丹

二斤

新柳枝

一斤

沒藥

乳香

各半兩

白芨 桂

白芷 白斂

木鱉子

當歸 杏仁

各一兩到
如豆大

右除乳香沒藥黃丹外餘藥浸七日炭火上用鐵鍋熬令藥變色黃濾去不用澄清入黃丹用柳枝五寸長如錢粗攪冷黃色變褐掇鍋在地又令柳枝攪令烟出盡然後入乳香沒藥在內柳枝攪勻候冷傾磁合內候藥硬切作塊乾以油紙包裹此藥春三月秋八月合餘月不可

白龍膏

治一切惡瘡
赤煙疼痛

沈香

二錢半

白檀

一錢半

木香

一錢半

尾粉

十四兩

白茯苓

一錢半

白附子

二錢

白芨

二錢

白欽

兩半

白芷

一錢半

桔梗

一錢

防風

二錢半

芍藥

二錢半

當歸

兩半

白薇

一錢半

白朮

一錢半

黃耆

二錢半

川芎

一錢半

甘草

一錢

生地黄

一錢

瓜蒌根

一錢半

杏仁

浸去皮
尖二錢

桑白皮

三錢

桃仁

炮去皮
二錢

木通

一錢半

木鱉

去皮二
錢半

人參

二錢半

獨活

一錢半

升麻

一錢半

苦參

錢一

槐白皮

半錢

零陵香

半錢

清油

斤一

右剉碎油浸七日夜內銀器內慢火煎候白芷黃色
綿濾去澄清於磁器碗中慢火煨動次下黃蠟一十
四兩攪勻次下瓦粉再攪勻慢火熬成膏用時旋攤

白絹上用

摩風膏

面瘡一切瘡疹腫毒
主製並見鄧院方

黃耆

一兩半

當歸

芍藥

白芷

杏仁

桃仁

白附

白欬

零陵香

川芎

天麻子

防風

獨活

木通

龍腦

清油

斤一

黃蠟

夏十二兩
冬九兩半

瓜蒌穰

一兩半

仲景治婦人陰瘡蝕爛方

狼牙三箇咬咀水煎去粗入醋一小鍾以綿濾湯瀝

患處四五次愈

又方以雄黃末傅之

御藥大紅膏

珠子青

斤一

白膠香

兩二

右二味銀銅鍋內鎔開慢火不可火緊綿濾過後與藥同熬

當歸

兩二

木鱉子

碎二錢

小油

兩二

此三味同熬稍變色濾去粗下煎二味內攪勻下

乳香

兩半

沒藥

錢三

同研細再下前四味都用綿濾過鍋內熬成不生手攪勻攤紙上貼之

追膿錠子

雄黃二錢

巴豆半錢

輕粉半錢

右為細末油和作餅子生麵亦得

替鍼膏

雄黃一錢

巴豆一錢

蛇皮一錢

信霜一錢

右用石臼研為膏

治大小癰癤無頭方

皂角刺鍼不拘多少右燒存性研為末酒調服即可
見烙處薄頭也此藥內亦可加穿山甲炮焦為末酒

調服之

治下疳先用張子和泄水丸泄去其根本後用此藥乾

上

黃連

兩半

滑石

兩半

定粉

錢三

蜜佗僧

錢二

乳香

錢一

輕粉

許少

右細末乾上或加乾胭脂或加木香檳榔

蝕惡瘡方

非奇異惡瘡不可用

銅綠

錢二

硃砂

字一

石膽礬

細研

半錢

生肌藥

龍骨 虎骨 烏魚骨 白石脂 乳香

惡瘡入腹心逆藥食不下

豆粉半錢 乾胭脂三分 定粉三錢

右細末新水調下神交

生肌肉

乳香一錢 白芨一錢 龍骨一錢 凝水石燒三錢

滑石一錢 沒藥一錢

右細末洗淨瘡上藥貼

銀絲膏

乳香

一兩

水銀

一兩錫死

硃砂

三錢

膩粉

半錢

麝香

半錢

瀝青

五兩

小油

二兩

右各研為細末定磁器內油熬沸下乳香末次下水

銀次下朱砂次下瀝青次下輕粉次下麝香熬成膏

勻傾水中洗令白色浸十日磁器內盛之緋帛攤貼

五枝膏

槐枝 榆枝 柳枝 栢枝 桑枝已上各三寸四莖

陳皮二錢 蒼朮三錢 杏仁三十箇 巴豆去皮十箇

沒藥一錢 當歸三錢 木鼈三十箇 枳殼三錢
去皮

赤芍藥三錢 人參三錢

右咬咀好酒一升慢火煎令焦色濾去渣下瀝青半錢黃蠟五分黃丹四兩炒黑入前藥同熬成膏入乳香二錢半輕粉一錢麝香半錢攪令勻帛攤貼之治惡瘡或有小蟲

膽礬

錢一

龍骨

錢二

輕粉

錢一

虎骨

錢二

白礬

錢二半

麝香

錢半

乳香

錢一

硃砂

錢二

腦子

錢一

土蜂窩

錢二

露蜂窩

錢二半

雄黃

錢二

右為細末刺破塩水洗着緊慢上藥神效

外臺治惡寒瘡似欲發背或已生瘡腫癰疹起方

消石

兩三

右暖水一升和消令冷取冷故青布揲三重於赤處
方圓濕布搦之熱即頻易立差

治疥癩癬

此方湯液所載
摩風膏相似

柏苓

白膠

當歸

防風

杏仁

葶麻

黃蠟

小油

鉛丹

若有槐柳枝與摩風
膏相似此物要較

拈痛神應膏

乳香

研二錢

沒藥

研一錢

油

半斤

鉛丹

四兩

當歸

杏仁

木鱉

各三錢

槐枝

柳枝

各半兩

右熬成膏滴水不散放稍冷入乳沒末

金絲膏

珠子青

半兩

楓油

二兩

小油

一兩

右熬成膏

肉紅散

凝水石

燒粉

黃丹

右同研細末

追膿去死肉生肌

白丁香

苧茹

雄黃

少許

消腫痛

大黃 黃栢

右細末溫水調掃涼水亦可

又方

龍骨 寒水石

燒

右為細末先傅徧微用銅錄末再傅肉自下而不成

腫

丁瘡腫

白殭蠶

右為細末津調塗根自出

治瘡拏肉如蛇出數寸俗呼翻花瘡是也硫黃研細薄

傅之使縮

丁瘡垂死菊花葉一握搗汁一升下口即活如神冬無

葉用根

足跟瘡久不愈毒氣攻注

白朮

不以多少
為細末

右將鹽漿水溫洗乾貼二日一換可以負重陟險
蝕惡瘡

銅綠

錢二

硃砂

字一

石膽礬

錢一

右細末少上膏貼一法迴瘡加金頭蜈蚣一條非久
敗惡勿輕用之

檳榔散

治癰疽瘡癰膿潰之後外觸風寒腫焮結硬膿水清
稀出而不絕肉湊空虛惡汁臭敗瘡邊乾及好肌不

生療疔瘻惡連滯不差下疳膿瘡浸清不斂

黃連 木香 檳榔

右各等分為細末貼藥

金瘡痛甚者

凝水石

右生為末小油調傅若唇口肉內有傷者粉乾上之
其痛立止一法內藥有金頭蜈蚣

治發疽發背已成瘡

寒水石入輕粉上出膿

治腦疽發背不可忍者

凝水石燒粉研細上之

治破傷血不止

大竈底懸黑灰

四兩

麝香

一錢

右碾勻先令病人驚而使之氣怯速以此藥上摻捻之
主止不發以至乾者

治大小諸瘡不可者兼至內外賺瘡久不愈先以漿水

溫洗拭乾上藥瘡乾小油調塗

羌活 獨活

白礬

枯各等分
為細末

治便癰外貼方

大黃 牡蠣 梔子 白芥子 小黃米麵

猪牙皂角

右等分細末小油調攤緋絹上貼之

治熱油燙火燒瘡疼不可忍

石膏搗末細研粉貼瘡

治一切傷見血

寒水石細末貼瘡即愈不疼

外臺秘要治丁瘡

磁石搗為粉好醋酢和封其根立出差

小兒丹毒

黃芩細末水調服大人小兒毒亦然

婦人飲酒食魚兔發風等物臍下二陰俱生瘡男子同治並見馬齒莧青黛條下服藥八正散等燒灰上瘡

法亦在此中

治背瘡肉長疾皮不及裏見風即成腫

寒水石

燒細末研

右微傅上再用銅綠細末微上之肉即當下皮乃及長而不作腫

蜘蛛咬偏身成瘡

青葱葉一莖小頭作一孔盛蚯蚓一條攪兩頭不令透氣掣動化也點咬處差

聖惠方治馬咬毒入心

馬齒莧煎湯食之

又方治翻花瘤

馬齒莧燒灰臘豬脂調暖清疔洗瘡拭乾傳之日

三壯者立明瀉之

王繼昌方治蝎螫毒不可忍

米粉

一兩

葱白

三根
細切

右二味同炒焦研為細末以津唾蘸搽毒腫痛之處

外臺秘要治五十年毒不愈塗熊膽取差神效諸方不
及此

千金方治百蟲入耳

杵韭汁灌入耳中立差亦治漆瘡

又方

雄雞冠血滴耳中立出即差

治蚰蜒入耳

酪灌耳中若入腹飲酪一升化為黃水馬糞汁酪

灌即差乾酪勝濕酪

治蝎蜘蛛蛇毒

雞卵輕敲小孔合咬處即差

又蜈蚣蜘蛛毒

雞冠血傅之

治蛇咬

男子陰毛口含二十莖嚥其津毒不入腹

治下疳久不愈

椽斗子二箇合成黃丹令滿相和以亂髮厚纏定
燒烟盡為度同研為細末先以葱白熱漿水洗瘡
膿盡次上藥甚者不過三次如神

劉禹錫治牡痔酒痔腸痔血痔氣痔食痔羊妳痔五痔
脫肛以

小蚊一枚指大者溫用掘地坑燒之有板穴蓋坑
坐孔上蟲盡為愈大效

醫壘元戎卷十